



JABATAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya

Tel: 03-8000 8000 Faks: 03-8889 7957

Laman web: www.kwp.gov.my

KENYATAAN MEDIA

FORMASI MUZIKAL AIR WARNAI PEMBUKAAN SAMBUTAN HARI WILAYAH PERSEKUTUAN 2023

KUALA LUMPUR, 29 JANUARI 2023 – Sambutan Hari Wilayah Persekutuan tahun ini diwarnai pertunjukan pancutan air berirama dengan pencahayaan di taman-taman rekreasi, pusat-pusat membeli belah terkemuka serta di lokasi-lokasi tumpuan orang ramai yang mempunyai fasiliti air pancut. Persembahan formasi muzikal yang penuh *vibrant* ini dianjurkan dengan kerjasama strategik pihak DBKL, Perbadanan Putrajaya, Perbadanan Labuan, KLCC Holdings Sdn Bhd, The Gardens KL & Pavilion Kuala Lumpur tanpa melibatkan sebarang peruntukan kewangan Kerajaan.

Penganjuran program ini dapat menceriakan lagi Wilayah Persekutuan di samping menambahkan rasa cinta dan sayang kepada Wilayah Persekutuan kita. Formasi Muzikal Air Wilayah Persekutuan ini sangat bersesuaian untuk aktiviti riadah bersama seisi keluarga sambil menikmati panorama menarik. Ini sekaligus menggalakkan aktiviti pelancongan di ketiga-tiga Wilayah Persekutuan.

Orang ramai khususnya warga Wilayah Persekutuan Kuala Lumpur, Putrajaya dan Labuan boleh mengambil peluang beriadah di KLCC Lake Symphony Fountain, Crystal Fountain Pavilion Kuala Lumpur, The Gardens KL Fountain, Kolam Biru River Of Life (Jalan Leboh Pasar Besar), Air Pancut Tasik Putrajaya di Presint 2 dan Bulatan Marlin, Jalan Merdeka di WP Labuan tanpa sebarang caj bayaran. Pertunjukan Formasi Muzikal Air Wilayah Persekutuan ini bermula 8.00 malam hingga 10.00 malam pada 1 hingga 28 Februari 2023.

Program Pencahayaan turut diadakan pada 30 Januari hingga 2 Februari 2023 melalui pemasangan lampu secara *festive mood* di semua premis dan bangunan di WP Kuala Lumpur bagi menyemarakkan suasana Sambutan Hari Wilayah Persekutuan 2023. Diharapkan warga Wilayah Persekutuan dapat mengeratkan ikatan dalam kalangan masyarakat dan saling menghargai antara satu sama lain. Ini termasuklah penjagaan fasiliti-fasiliti riadah di kawasan-kawasan awam bagi kegunaan bersama berteraskan nilai hormat seiring dengan aspirasi Malaysia Madani.

YBhg. Datuk Seri Hajah Rosida binti Jaafar.
Ketua Pengarah,
Jabatan Wilayah Persekutuan.
29 Januari 2023